

房縣志

五

房縣志卷九

人物

昔班孟堅志物產珍異獨歸重於人材蓋天地間惟人爲貴人生於世茹美揚翹謹身篤行盡其所以爲人之道則地亦因之而勝矣房山峩峩沮水洋洋靈秀鍾毓詎無足以增輝茲土者十室之邑必有忠信矧里稱忠孝士多善良巖阿棲隱逸之流耆壽表

熙朝之瑞可不標而出之乎志人物

周尹吉甫房陵人宣王時食采於房詩人爲之賦六月卒

房縣志

卷九

人物

忠

一

葬房之青峯山四川通志吉甫瀘州人宋慶元間陳

帥

損之建穆清祠於城四祀吉甫以其子伯竒配明州人太府少卿許沆爲記王象之輿地碑目採之成化中州牧邢幹重脩水經注江陽縣枕帶雙流揚雄琴清英曰尹吉甫子伯竒至孝後母譖之自投江中衣苔帶藻忽夢見水仙賜其美藥思惟養親揚聲悲歌船人聞而學之吉甫聞船人之聲疑似伯竒援琴作子安之操按江陽今瀘州揚雄蜀人其叙入江陽必有據也自明統志以爲房人志因之且載有墓瀘東南濱江有伯牙渡岸

側爲撫琴臺其歸子山卽吉甫故里太師祖墓壘壘而吉甫墓無考或食采於房其後卒遂葬於房歟又傳南皮平遙皆有尹墓

尹伯竒吉甫子天性至孝後母寵己子而惡之譖於甫曰竒每戲予甫不信曰汝陷吾兒母曰君溺子而踈妾也吾欲噉之恐辱君甫曰必吾親見母曰彼肯對君挑予哉可隔壁窺之母取蜂去毒置於身竒恐毒母進而掇蜂母大呼甫窺見欲殺竒夢竒母哀救甫曰據爾養母爾宜死據爾生母爾不宜死遂剥竒衣履而逐之竒編水荷而衣採蓮花而食清朝履霜而自哀作履霜操張子厚曰勇於從而順令者伯竒也今邑設順令祠於吉甫祠之左匾其堂曰父忠子孝

史記漢侯者年表王奉光家居房陵以女妻宣帝立爲皇后故封千五百戶爲邛城侯史載奉光生時夜見光明照室聞者以爲當大貴後果封侯

國朝

忠勇

楊正泰陝西人弱冠有膽識能左右射明季賊起正泰團

房縣志

卷九 人物 忠

二

義勇三百餘人所向勦滅遠近賴之順治初從戎屢建
奇功授施南營副將陞總兵娶邑翁氏女遂家焉長子
桂芳以世襲歷南昌參將次先芳任雲陽令今子孫蕃
衍多以武科顯

監生丁超嘉慶元年賊圍城超糾鄉約卞文虎等守其村
祁遵古等督義勇三百餘人赴城突圍入守賊偵知忿
甚率衆攻之超力竭自刎文虎等皆戰歿其家老幼男
婦俱遇害時武生雷子賦以拒賊被圍死之武生鄧浩
儒民人田傑偕子玉華罵賊被害武生趙殿臣謝子魁

民人劉建學謝之敖梁登雲偕子國安國甯亦不屈死
傅章朱寬嘉慶元年賊圍城章與寬隨官兵禦城西南隅
中鎗傷死黨林黨君珍黨儒山黨廷選等集鄉勇四百
餘人救援至城南爲賊害時四鄉義旗並舉或守隘或
追勦其戰歿於二郎岡高梘關泰山廟者有賀會元等
三十九人老渡口有張治文等五人南潭杜家川有許
令香等十一人青峯嶺有程世英等六十四人七里溝
李二姐溝有宋國良等十九人茨坪羅溪龍洞黑山有
龔允德等二十人竹山對寺河有張興國等五人保康

受陽坪有莊宗義等十六人喇吧洞有郭懷禮等十三人其傷後死者有胡西禮等三十三人自丁超以下均許請卹賞

饒正裕字寬厚毛羽滿字印科俱武生正裕爲人慷慨好義有膽畧羽滿氣宇軒爽負血性二生者同城同學交相得也嘉慶丙辰春賊圍城二生與城守圍解追擒逆首制軍錄其功均予把總職後正裕從將軍勦三里坪以功加千總銜丁巳七月賊由川竄入房二生率衆勇往禦途遇賊鄉勇驚潰二生陷賊中衝突久之殺賊如

房縣志

卷九

人物

忠

四

麻已賊蟻聚二生不能支遂被害維時有六品銜劉作樞文生李榮發王守身武生張鳴穀劉源武童艾輝林外委張鴻紀散之勉吏書王相貴客民湯先鄉耆楊春盛程學忠吳起萬與營弁張士林等均以殺賊被戕其在下店盤浴河白土堰長嶺等處遇賊傷亡者有文生咎安世車琮張御世楊高枝武生胡學海繩金重程朋岡郭世英義勇許崇儒咎安文等俱詳請議卹東鄉黨君彩張土吉嘉慶元年練勇勦賊七年賊至錦雞坪二人率勇七里扁不意賊分支上山截勇三股大

敗士吉緣巖走君彩被擒罵賊不屈賊碎其屍

東鄉但珍魁梧有力嘉慶元年練勇守城賊退隨官兵進
勦屢勝多著勞蹟總督畢沅伯爵景安加賞守備銜

東鄉解維經嘉慶元年練勇至溜石板溝遇賊衝失利傷
死多人維經率餘衆赴城守禦知縣魏相臣有維經援
城序碑古者兵寓於農謂其三時務農一時講武而後
緩急可恃誠以衣食足而禮讓興負耒而來者皆可荷
戈而往以今觀之何必然蓋向使教養未裕有勇或不
知方雖日與談步代止齊一旦有事求其親上死長也

房縣志

卷九

人物

忠

五

難矣房陵嘉慶元年賊匪蜂起其四境之焚掠將盡老
幼之逃亡過半洵不忍目覩城中兵不滿百而賊之圍
環攻打者十有八日維時隣邑失守東有光遷西有上
庸獨房孤守其中危如累卵月之二十四日忽有鄉勇
三十餘人從東南冒險而來問其首則解維經也始猶
未敢遽信越數日果招其團三百餘人又至矣未幾而
丁壯偕來矣城中遂恃以不恐嗟乎當其日夜攻圍城
不失守者幾希卒之危以安亂以治果何如而得期於
民歟後之覽者亦可以想其致茲之有由矣是爲記

嘉慶元年蓮匪逼城幾瀕於危知縣魏相臣率士民登陴
守禦越十八日始得解圍事平所有軍功詳請議叙者
如廩生胡慎脩張泗泌俱七品張璵璠劉定恢俱八品生員
邢觀則七品何光泗七品舉知縣陳善望八品武生莊士彥胡萬
甯胡壽康郝聰七品程光泗五品吏員鄢凌閣鄧九鵬俱九品
練長王永清李成志蔡榮俱五品陳洪昇賈克龍孫維仁
余思仁王廷俱六品何金八品李德九品補營外委客民顧福生李
成梁宗芝芳董士品武生高星曜武童高德曜俱八品其
餘四鄉團練俱列名義勇碑

房縣志

卷九

人物

忠

六

南鄉杜如松剛勇渾厚嘉慶元年教匪圍城極力防守三
月與賊戰傷賊十餘知縣魏相臣獎以義勇可嘉次子
騰輝道光壬辰科武解元平崇陽亂授宜都都司三子
增輝庠生

南鄉王士廉嘉慶元年教匪猖獗廉督勇擊賊大軍至爲
鄉導親冒矢石孫帥給以頂戴不受年七十七終
戢玥嘉慶元年率家人避難溜石坡砦與城中相望爲犄
角勢賊莫敢窺越十數日賊四集圍城玥子時頻族孫
有濩率勇數百救援圍解知縣魏相臣嘉之諭入城捍

禦賊探知集砦燒擄頻戰沒珥爲賊獲自殺妻向氏一子三女赴火死賊退獲公屍勃勃如生魏縣稟聞將軍恒瑞奏入昭忠祠

戢珏貢生戢中道之祖六子長次三居南山嘉慶元年珏六十七歲二月賊起殉難自縊四子時翹黨氏一子三女五時翻李氏一子一女六時翀陳氏三女俱遇害

戢時鑑嘉慶元年舉家避難大福村賊至母張氏妻劉氏一女俱遇害子有彬率勇二百餘賊戰於東門殺賊多人賊退知縣魏相臣給以忠義可嘉同時戢李氏時鍊妻

房縣志

卷九

人物

忠

七

戢宋氏

有滄妻

一女戢趙氏

有第妻

三子戢徐氏

有溟妻

一子

女戢王氏

有湛妻

一子戢張氏

希耿妻

戢時滿同妻雷氏

四子二女戢時著同妻解氏一子三女戢有濩同妻李氏戢璧同妻解氏俱遇害

生員戢有節嘉慶元年賊起知縣魏相臣派守東門賊攻東城節炮斃賊數十賊不敢迫東門凡軍需事務咸與焉賊平脩城垣文武廟文昌宮諸大役節領事昕夕罔懈總督吳熊光保舉知縣未就年八十餘終

西鄉高正嘉慶元年賊由鄖至羊峪口正於團練局被擄

不屈賊搜獲有告白蓮教匪狀詞梟首裂肢破腹而亡
武生雷子英嘉慶元年二月往勸教匪歸正激匪砍傷分
屍八年學政茹棻獎以忠勇可嘉

西鄉生員昝榮華嘉慶元年教匪圍城華帶勇救城知縣
魏相臣給以義勇可嘉德侯保舉六品軍功以縣丞用
貢生張泗泌嘉慶元年賊亂率勇救城凡疑難公事當事
者每造訪焉六年總督書麟駐房上設禦防堵撫恤難
民十條嘉之保舉知縣旋派委馳赴西山探賊至羊叉
河遇害臨危罵不絕口知府李某弔聯云向義情殷空
洒一腔熱血同仇念切竟成千載芳名

房縣志

卷九

人物

忠

八

武生曹輔國嘉慶元年教匪起國領勇勦賊數年賞六品
軍功不就八年入武庠

南鄉武生車載經嘉慶元年率勇護城接隨官兵赴宜昌
等處勦賊立功上憲賞六品軍功其孫世驄庠生咸豐
七年正月十九日賊由南山小河衝出驄領勇堵卡衆
潰驄死之王天喜劉元忠同時遇害經曾孫崇德咸豐
五年出師孝感德安克復後總督官保藍翎以儘先把
總補用十一年八月在黃州巴河陣亡

廩生汪有燕嘉慶元年二月白蓮教圍城公推燕爲西鄉
總團首練□救城燕慷慨多智法令森嚴勇衆莫敢不
服三月初二遣勇首文生劉德紳廩生袁士驤等帶勇
二百辦糧劉家畝適遇賊匪十人先行辦糧擒殺九賊
一賊遁逃初三卯刻燕勇抵劉家畝辰初教匪數千排
列張家灣河邊鄉勇列陣相恃武生胡萬甯帶趾北勇
數百蜂擁而來武生劉金張老六帶盤峪勇數百自汪
基屯山上鼓噪而下鄉勇一見勇力百倍一戰而賊潰
至七里河殺傷無算初七四鄉紳勇會集破西關殺賊
殆盡而城圍解矣七月十二燕在盤峪敗陣九月初一
□禦小羊子山三年舉家避難鄖城後以軍功授光化
訓導

生員何光泗有才幹多智謀自救城後歷年奉各大憲調
遣領各保鄉勇四處防堵追勦多著勞勩事平奉聞授
某縣知縣未任先卒

武生邢交善救城後隨營効力以軍功授千總

監生咎榮顯父安俊兄榮魁陣亡顯領勇以軍功授吏目
廩生劉德紳二年總羊峪口等保團首同事廩生袁士驤

生員翁華祝等練勇附近堵勦紳以軍功歷遷知縣
庠生車載遠嘉慶元年領南鄉勇戰賊潰死者多人遠父
子四人投水死其妻田氏亦自縊儒學鍾榮國銘其墓
詩書作階禮義爲府慷慨激烈習與性成忠信明決素
所稱許時事不可爲冀將性命補節義凜然臨難無苟
而後而今
爰得我所

方克忠嘉慶元年練勇追賊至南潭賊勢蜂擁親斃二十
六賊力不支遇害事聞賜以義勇可嘉入昭忠祠孫武
庠六合

徐明揚安徽籍乾隆時來房西鄉麥浪坪置產力耕爲人

房縣志

卷九

人物

十

公正鄉里重之嘉慶元年團勇勦賊千餘將軍明亮獎
給六品職銜銀牌數事五年川匪徐天德竄房揚率勇
追賊陷伏中被擒剖腹實草以飼馬詳請得恤典
趙登岸嘉慶元年匪入西關抗逆不從被害

庠生汪學海嘉慶元年賊竄東鄉練勇戰潰負子逃被擄
賊居其家覓酒數甕破蜂籠取蜜調酒飲蜂繞屋鳴瞬
聚千萬逐賊毒噬賊以火燎之愈多賊沿山逃海乘勢
勦殺甚衆由是名大噪賊不敢犯

□之虎兄弟五人俱精技擊術教匪至率勇設卡賊犯不

鈞弼監生傅逢商文童楊宗賢等練勇隨知縣金堵禦
大竹扒以兵勇單潰匪竄距房城七年正月匪由竹山
被大兵追逃房南山宋家拐義同弟宗海宗剛楊發秀
郭建烈郭立成朱大朱二等奮勇殺賊首火星爺救出
裹脅者一名
武生孫萬年大兵到投効常統領攻打頭隊蠟月十二常
親領數十兵戰賊於濫石窖萬年殺賊較多賊蜂擁而
至常憲幾被圍得馬兵殺退圍解萬年後投効督標保
以千總用

監生劉汝荃練勇投効常憲以兵勇多未收七年三月十
二帶勇追賊至吊橋打仗劉永豐永志死之
舒脩德脩魁白窩人王良忠包家河人咸豐六年賊至被
脅不屈俱被戕

查光富爲南鄉牌長咸豐六年禦賊捐軀碎其屍

武舉胡萬春咸豐七年練勇於松香坪陽日灣與賊屢戰
賊屢敗潰

陳學文等咸豐七年賊竄金斛坪文練勇數百以阨其左
之山堽賊不敢左向

生員張映華咸豐七年正月十九領勇設卡小河口賊衝卡殺華偕勇劉元忠王忠信等

生員陳正烈咸豐七年賊至教場烈執柄呼勇殺賊遇害吳紹友業礮七年正月守城賊由城缺入殺之一賊旋逃吳呼伴然毬擊之賊扑以柄擊斃囊裏銀兩縣役奪之剥衣得雙龍抱柱呵服子知爲賊首及吳見知縣金大賞之

義勇况以金咸豐七年正月十七賊至教場打仗陣亡

勇首楊春林七年正月領勇教場打仗勇張鴻發吳良柱

房縣志

卷九

人物

十三

袁開陶周開印陳清品朱書進李有才陣亡又帶勇至金斗坪追勦三月追賊至吊橋失利與勇傅元魏登高王登朱書禮尙興無名勇二同時陣亡

義勇王懷信咸豐七年三月隨知縣金赴吊橋勦賊陣亡世職黃玉明咸豐七年帶勇至金斗夜劫賊營賊覺殺勇熊家興彭位李開印余士發余喜後玉明赴大營投効

西鄉勇首武生郭永年陳德川楊映林任成鐸郭長青鄧

有功陳元愷龍海瑞從九袁時恕袁時顯武童劉宗謨
劉宗先郭德著宋國弼等咸豐七年三月瓴勇千餘赴
羊子山馬驚洞等處堵勦賊竄竹山

同治元年七月川賊曹避時竄竹山房令慶諭四鄉紳保
練勇東南北近城鄉勇入城同遊擊田所調兩汛兵守
城間旬守禦器械無不全備因經費不給始撤西鄉勇
全赴竹山界防堵

生員鄧敬修武生郭光釗民人宋德簡鄉保胡强等同治
元年七月領葉家河獅子巖門古寺等處勇數百赴竹

山界防堵

生員劉元棟武生郭永年等元年七月領勇抵下店子會
任家富生員何翹材武生陳元愷茅坪武生任成鐸郭
長青廩生宋承濂盤峪武生龍海瑞朱炳南湯峪武生
張上林汪以坤軍馬廩生任鴻鋆生員吳崇光化龍堰
生員任成錦劉鴻量東川堡武童高顯揚根麥堰武生
張自剛戚大成上達河生員昝廷貴武童李成都等所
帶之勇一連三日約會萬餘之衆因之口糧不能遠堵
會議團聚各保不散賊若入境互相救援賊不敢入房

南鄉龔之棟同治元年賊亂倡首練勇勇未集賊至力殺數賊賊大隊至被害

南鄉郭開舉同治元年見賊擄男婦十餘率子各執農器擊退諸賊力救十餘人身帶微傷後遇衆無德色

南鄉楊楚志同治元年賊至被據楚志詭降一賊監行時見賊衆遠奪賊刀殺賊後効力大營屢建戰功獲保舉東鄉盧朝棟同治元年賊至被擒不降罵賊被害

西街貢生李承蓮監生楚揚子也教讀爲業同治元年設教西鄉化口接父就養十月聞賊信急請人舁父入砦蓮至砦見父未至旋察父踪賊至被擄不屈死父揚聞知尋歿

房縣志

卷九

人物

忠

十五

鄖縣廩生黃玉魁移居房北鄉同治元年賊至母病難移席不忍離被害

西鄉李如興事孀母譚氏孝同治元年賊至母病危不忍離被擄常憶母而泣賊殺之

西街湯哲池父柩在堂衰服守柩不忍避難賊至迫之從不應被殺

監生冀澐性淳樸同治元年賊至被擄不屈賊以刀割之

罵愈厲同擄者勸之降淫曰吾父兄均受 國恩豈昔
降賊耶賊殺之去數日其子庠生明常覓得其尸猶勃
勃有生氣

傅得成北鄉瓦蘭溝人同治元年十月十九日髮賊至境
得成手執長鎗與二賊戰斃賊一羣賊齊至圍攻被戕
戈學然妻杜氏元年十月二十髮賊至夫婦逃出遇賊以
矛刺氏氏奪矛學然抱賊氏抽賊腰刀殺之

勇首咎心誠同治元年十月二十四髮賊入境帶勇數百
竭力堵禦東川堡會賊打仗與勇宋兆鄰謝國貴吳啟

房縣志

卷九 人物

十六

祥吳啟泰何世昌汪倫漢葉同一王懷朝周開禮鄒元
龍宋興貴謝盛魁孟光浩葉倫一葉長一全明儒陳志
德楊逢讓李安玉咎廷元楊君輝覃永祖馬定勇同時
陣亡二十四人先是二十三日訛傳賊匪四百一十三
上達河東川堡獅子巖練勇千餘適會遊擊田云賊衆
人皆不信生員咎廷貴武童李成都咎廷選咎心誠等
帶勇六百抵房山廟會生員朱炳南籌糧不及回駐東
川堡不知髮逆十萬之衆時慶田兵勇到未齊心誠等
已被害

道光以後陣亡兵丁

兵丁湯得祿劉維常袁天喜陳有得石玉得五名出師湖南於道光十二年在洋泉街陣亡

兵丁洪門勝黃金榜張大金傅興發王春榮張大有胡士筠劉子華吳道宏蕭有榮張世秀萬學當姚九齡田世泰陳宏啟黃銀貴賴宏義黃得勝十八名於咸豐元年出師粵西在永安州陣亡

兵丁趙永得胡明祿李學魁楊茂魁羅永昌杜如槐袁宗哲傅正魁李自元宋興成王加鳳劉魁興王以得殷連

房縣志

卷九

人物

忠

十七

陞十四名於咸豐二年出師粵西在湖南永安州陣亡
兵丁曾有文汪國成林啟恩劉得陞杜春華鄒永昌鄭國倫謝金魁馬應瑞廖元壽楊冠金張復魁楊林得陳得功林啟秀李士金何玉友劉得勝方得順劉蘭芳王廷芳朱光宗王登科王登岸曾益友許宗化謝鈞耀劉長春何玉魁吳茂清楊光平黃金印裴林興朱聯魁劉全勝宦金玉賀萬泰楊得勝劉添祥杜克良甘世清陳玉陞散吉祥李得魁石高陞萬添才賈忠選王得鳳楊發清閻朝得譚國珍盧占魁趙得全楊朝富李宗義陳正

陞楊萬發萬億興張文清張尙元王加陞黃加陞梁發榜王成剛李從寬戢宗乾六十六名於咸豐三年出師粵西在黃州廣濟縣田家鎮陣亡

兵丁宋曰友邢連陞王永立余慶楊永得李復興楊朝舉吳紹魁左光榮朱得陞吳道全高崇陞王廷璋薛廷有任家喜馮占魁盧明道張國樑謝文斌陳志清徐輝廷楊發武邱萬才黃五興孫榮貴余宗魁劉元芳戢宗良張開榜二十九名於咸豐四年出師粵西在黃梅黃崗雲夢縣陣亡

房縣志

卷九

人物 忠

十八

兵丁趙克信馮順林張大魁朱光照戴一貴謝榮貴高興榮車種德董銀昌張得先朱發貴李福星王宗榮高忠和王添信麻正陞蕭長林李興壽雷有全羅魁元魏高陞何永有嚴得勝左永成張萬勝蹇興義徐文舉蔡長林尙朝陳興發王添信陳有得姚添德方大學白有才戢有義三十六名於咸豐五年出師在武昌江夏長江埠陣亡

兵丁朱廷璋王永得許自有羅安邦余士喜祁三貴唐書元武生廖發科裴永勝盧登榜楊世才郭占年劉永年

程加泰祁高陞劉希陞計高陞劉得勝吳全恒汪興發
孫永安聞得陞鍾永得孟傳宗饒朝澤李青茂朱得有
李魁元袁得貴楊先順曾明貴姚添順戢希坦李光陞
三十四名於同治元年出師赴鄖在分水嶺桃園陣亡
兵丁饒立富廖從正劉宏正於咸豐二年因公赴省遇賊
殉難

營書郭家忠於同治元年因公在房遇賊殉難

孝

孫上珩繼志子也有至性母曹氏病篤珩尙釋計無所出
剜臂肉烹以進少頃母霍然同時戴學貴亦割股療母
教諭張忠坦訓導鍾榮國表其門

廩生陳良公性迂訥積學有聲旁及書畫鐫篆靡不工父
名夏疾良公眠食俱廢割股奉母卒葬如禮蓬首哭泣
枕苔三年教諭吳昭煜以優行舉焉

西關生員楊學純父武舉奠元先逝母劉氏癱瘓數年瘖
不能語飲食起居純曲意事之衾裯污穢躬親湔洗卒

房縣志

卷九

人物孝

二十

葬如儀

東鄉黃金山黃姓承繼子服勞奉養倍於親生善排解重
然諾鄉人服之年八十終子武生道吉孫庠生河清廩
生河源

西鄉武生孫全剛軀體壯偉武技嫻熟以孀母在堂朝夕
奉事不忍離事事必遵母命終身不肯鄉試道光時爲
母請旌

北鄉錢之璜事親孝雖造次不廢定省嘗直義地脩橋梁
捨藥材衣物並無德色鄉稱善人焉子五均孝友一如

父風三子鳴玉入庠

西鄉李永祿道光十八年母病割股肉飼之得愈其子祖文同治四年母病亦割股療之愈

西關醫學許自順道光時父母病不愈順俱割股啖之愈四子宗讓入庠

西鄉張昌明十六歲時母王氏病重割股奉母啖之得愈明現年七十四尙健

北關楊登才咸豐六年母病百藥不效割肝和藥飲之病愈知縣金玉堂給文疆遺愛匾值襄匪入境金縣題詩

房縣志

卷九

人物孝

二十一

有千戈影裏見禎祥之句

西鄉劉宗諱十五歲咸豐九年父監生元策久病不愈割股啖之得愈

北關楊天相咸豐十一年母李氏久病不愈割肝啖之愈

知縣吳瑛給至誠格天匾

并獎以詩割肝療母恙純孝
迓麻祥摯愛鍾同繫精誠聚

一鄉後先堪媿美今昔共流
香遺俗由來舊非關宰治良

南鄉監生張維新母病誓長齋禱之母聞不樂廢食新聞故母曰茹素果有靈乎恐流於邪教嘉慶時教匪亦如此被惑汝開齋吾卽愈新如命母病亦旋瘥

萬廷獻溫水河萬和玉之子年十五歲祖母劉氏八十餘歲疾篤服藥罔效獻割股煎湯以進劉病立愈

北關李廣道十三歲同治元年母危割胸取肝以療之父覺救之而母病愈知縣慶明給孝表黃童匾

西鄉劉成林同治二年母病不愈割肝啖之愈知縣李楨獎以孝行可嘉匾

北街吳家珩家貧同治三年春父乾遠久病秋繼母嚴氏病俱割股啖之愈

西鄉葉元英十九歲同治三年母咎氏病割肝療疾愈知

房縣志

卷九

人物孝

二十二

縣廖玉麟賞以錢米

補遺

喻國華化龍堰窮民母李氏年七十八歲同治五年八月二十四日患疾沉重華顛禱割肝和藥進之即愈

善行

王元龍邑市人饒於貲喜施予營卒某負元龍三百餘金不賞元龍亦不索尋合他券盡焚之家落然其施粥捨衣捐棺脩橋惜字紙點夜燈諸善事四十餘年如一日知縣鍾夢瀛張宏映俱獎曰實力行善元龍初乏嗣晚舉二子長庠生蘭亦敦厚時已貧甚庠生彭中立巨室也獨與締姻而周卹之曰此善人後也同時庠生咎資賢子學周亦以樂施聞至今子孫蕃衍多膠庠士

朱瑟和親亡兄欲析產和推與兄自居積而兄漸消乏和量爲分給兄不以爲足也一日醉持刃往索和笑迎之仍厚貺歸未幾兄破額鳴之官繫和於獄及鞠族鄰媿媿言之兄坐誣官爲撲之和叩頭曰兄年衰不任刑願代伏地泣不起官義釋之遂爲兄弟如初後和年九十子二孫瑄庠生五世同堂當事請

旌賜帛肉如例匾曰錫慶衍齡

南街李成梁嘉慶元年賊匪圍城梁首倡輸金爲守城經費人効之知縣魏相臣賞軍功不受年八十六終長子歲貢星壽曾孫庠生傳薪

武生劉建彩嘉慶十七年院試武童彭澤芝射弓馳學政
鮑桂星命借弓復射同列弗與彩最後借之射畢鮑問
二人相知否俱對不相知鮑云射以觀德二人俱應取
庠生車瑗生子武庠世遴家饒嘉慶甲戌春大飢知縣何
巡鄉勸賑瑗父子欣然捐米二百石活貧民甚衆父子
俱七十餘終知縣何以詩美之甲戌歲之春貧民嗟星
留鄙哉素封者閉倉不
即售待價欲居奇鮮食那可奏激堰與白土田稱沃
厚中有車秀才先疇食德舊既使復好義樹德閭里素
父爲倡於前子卽步其後盡出其贏餘按戶給口授窮
農給籽種餓莩予粟豆古道獨照人張生言豈謬予嘗
論各鄉分多潤鄰右吾民不受飢我
貌何妨瘦好義盡如斯何愁弗仁壽

房縣志

卷九

人物善行

二

武庠曹輔國善排解貿易北關息事安人筭積息事稟六
十餘張兄育萬衣衿被褫賣產復之貧無怨嘉慶十八
年大饑國貸錢賑子忠恕忠信俱入庠學政茹棻

旌以忠義之門

吳貴襄陽人身體魁梧有義氣乾隆年由行伍征苗積銀
概濟同伍屢有功授房把總遂家焉後升千總俸滿致
仕年八十餘終親見五世同堂學師贈以看到元孫匾
額子士元現年七十七歲元之子容德孫三國棟國黻
國瑞俱職員曾孫九元孫一亦五代同堂梅隱居士贈

以五代合齡匾

西關楊保元家裕宅心仁厚賑貸急困不吝金資嘉慶十年荒歉捐穀平糶尤重於待師禮節優厚其地佃有逾三代而不增其租稞不摘其田以遵祖命而不忘遺訓焉

南鄉王士廉乾隆時人幼貧父母早故弟廉愛之最篤嘉慶間教匪猖獗督勇擊賊勝之大軍至復爲鄉導親冒矢石孫帥給以頂戴不受年七十有七卒

耆老鄢泰篤孝友兄弟析居四弟某爲營兵營主命賈銀

房縣志

卷九

人物善行

三

三百兩辦公中途失限逃去嘉慶時吳制憲駐房適弟回家罪擬立決母日夜泣泰謀求當路周旋貸銀如數墊賠得免其平日好義樂施事不能殫述子正榮孫成霖俱歲貢曾孫鴻善庠生

賀君德邑監生篤友于事孀母孝道光時歲饑倡義賑之知縣錢喬雲贈以誼敦任恤

貢生袁紀家富慷慨好義道光五年輸金脩西河堤七年重脩鄖郡考棚棹橙今賴焉又脩校士館買北鄉義地葬無歸者十三年大饑出穀賑饑不足又稟請知縣劉

建勲願以己產契約爲質買常平倉穀平糶濟民劉却質出倉穀二千餘石減價以售全活甚衆途有拋棄嬰孩令人收至家覓乳婦哺之思來春荒買菜子十餘石撒各姓田待菜生以充民飢劉縣旌之年八十五終於孫有出仕者詳選舉

西鄉可道遠武庠進發進全國學益魁庠生益彩職員大輝業儒愈芳五代同堂人丁百餘口道光丁未學政龍啟瑞賜以

熙朝人瑞匾額

房縣志

卷九

人物善行

四

冀明倫道光十三年歲大凶見有鬻妻於過客者夫婦相持哭倫惻然贖還之後病將斃謂其子富璜曰汝勿悲吾今爲冥官去也

廩生余時曜秉性仁厚尤敬師友其所授業師某事之如父母諸事非義不爲

南鄉義僕王啟瑞明末闖賊亂其主許調羹調鼎俱殉難鼎遺孤必達甫三歲王背負赴中州事平始歸里爲娶妻晏氏葺廬耕種生七子一廩生四庠生

陳善全性樸厚與酒肆陳某結契頻年積負全錢三十餘

千某不能償病囑姪曰吾負全多矣歿後汝當設法償之其侄措資述叔語全曰叔何欠於我姪曰叔言猶在耳無辭全曰債已楚病中語不可聽衆哂之

庠生陳百齡品優學邃教徒善誘遇貧而質敏者不責脩金故門下多知名爲祖母杜氏苦節請

旌建坊入祠督脩校士館秉公咸服之

北鄉廩生曹良材年二十八失偶人勸復娶材曰業有二子何娶焉且幸妻亡而吾存不幸吾亡而妻存必將望吾妻爲節婦吾豈不能爲義夫哉終不娶

房縣志

卷九

人物善行

五

增生劉德遴西鄉人性慤直設教鄉黨有貧不能讀書者不責脩金且設法饒其家並助貲應試以此成就多人子歲貢元文孫文庠宗彝武庠宗延

西鄉雷耀先學未成業賈生一女適但卽廩生芹芳母也先中年喪偶不再娶自恨德薄敬惜字紙戒殺放生刻善書勸人至老不懈年七十終

北鄉庠生孫履中與其兄全志分居多年兄盡將田典出中見兄無聊售己田以贖兄田兄歿姪賴以活命中子

文緒入庠

徐賢棟父早卒祖監生啟玖妾余氏生大耕玖病革囑棟汝少孤丁單汝叔成立可以相助但年穉須汝教養汝係嫡孫他日分產某產給伊母子俾免飢寒足矣棟泣曰教養吾分內事分產不必慮孫自有以對我祖也玖歿棟待余無稍忽爲大耕聘師完娶捐貢邀親族檢點約契勻分祖業

東鄉廩生常敦五以木瓜河田地山場價值五百餘金捐輸校士館爲歲脩之資

東鄉李翁知庠生永年之祖樸誠尙義娶劉氏逾年舉子

房縣志

卷九

人物善行

六

監生逢春又逾年劉卒時年二十三人爭妻之翁謂有子承祧再娶胡爲終身不續娶

北鄉孫文英務農勤業弟兄六人獨敦孝友子明善尤和睦鄉鄰不預外事

生員謝炳南與異母兄析居立契南曰兄多疾吾入學費貲多願以分內水田二斗讓兄兄不肯南曰不肯卽不分陳百齡曰吾與人分家多矣但見有爭未聞有讓

房邑山中殷實富戶皆潛德弗耀不輕入城遇有公事必造門勸輸而山路難行咸視爲畏途焉咸豐三年軍興

以來徵餉孔亟公事繁冗邑紳衿解中和龔承勲歷奉
邑令諭勸助餉捐職辦團脩城等事前赴各鄉登門激
勸不憚崎嶇任勞任怨凡經理局務從未用火食薪水
銀錢一切並不沾染分毫前令李楨嘉其亟公好義
增生劉景星居西鄉黃龍山性端方排解里黨服之子監
生中文有父風咸豐三年六月暴雨出蛟地裂舉家陷
死三十餘口惟文得免

西鄉監生陳世常家饒尙儉積餘貲以脩廟建橋施寒衣
脩險路不吝惜咸豐六年襄匪竄房道憲常統領勦賊
其子附貢文藻鴻藻輸米四百石隨營助餉師撤而止
年八十四終長孫瓊輝入庠次揚輝職員曾孫就營千
總職

西鄉庠生陳潤藻性好義咸豐六年除日有佃戶袁發科
貧甚絕糧侍母而哭藻聞惻然給貲營販遂致小康藻
沒科不忘其德逢節祭其墓焉

西鄉監生徐宣化性淑美豐儀嚴正有度謹色戒多隱德
妻李氏生子兆昌入庠曾曰妾年五十無再索三索望
欲廣嗣緒非納妾不可宣曰卿美意姑俟有自川逃荒

婦攜女秀李買之見宣曰女莊雅可伴君今夕爲君掃榻宣曰勿遽擇吉招親友曰女穉甚地佃子某年貌相若可爲偶助以粧奩遂爲夫婦咸豐六年避難白龍洞被賊繞洞薰死者數十家三百餘人僅存宣化父子孫三人一孫被擄未幾亦歸

增生譚存德宅心仁厚孝事繼母繼母生道心錦魁俱入庠皆德教誨成之也鄉黨有事極力排解數十年里稱仁焉

余崇坤督標遊擊署武昌城守叅將同治丁卯科捐金置

房縣志

卷九

人物善行

八

房宇二所爲赴文武鄉試公寓並備一切薪水五十餘人均荷其惠闔省士類咸高其義

文學

王以祿貢生有宿學教授生徒多知名士居城中從不人公門年七十臨終語家人曰門外有騶從來迎予爲鄖陽府城隍遂沐浴更衣而逝

毛瀚儒貢生與彬儒孿生面貌如一雖家人莫能分伯仲均宿學爲一邑望人稱爲花萼同輝

陳正國貢生性嗜學窮年下惟有文譽省試屢薦未售生平矩步方型不入縣署門

邱方泰貢生性恬靜能終日坐學術根抵六經尤工詩其

房縣志

卷九

人物文學

一

詠七夕有句云千年會合千年好一度相逢一度秋從遊者甚衆壽八十有六終

汪魁儒貢生號和園生有夙慧妙齡入庠靡書不讀爲房邑博學士文章詩賦膾炙人口書法挺秀兼擅四體有迴文詩行世教授生徒多成就鄉評重之知縣張敵仇必達先後命魁儒纂脩邑志探古撫今不憚搽討惜未付刊今據爲粉本壽六十有餘卒

盧秉乾貢生家富饒以教育爲樂事從遊者不責脩金園蔬薪木不吝取與年七十三終

密起龍貢生嗜學不厭作文苦心孤詣戛戛獨造獨居卽
瞑目背誦書卷爲人教誨子弟實心不倦

梅開林貢生學行兼優教人以孝弟爲先文藝次之士林
推重

彭志楷貢生胸有積學望重鄉評年八十嬰疾與家人訂
預備喪具及期延親友酌酒而逝

郭建鄖貢生髫年嗜學穎悟過人屢試冠軍文章本六經
爲房道學目瞽猶口授生徒不倦

汪世槐貢生有逸才俯視一切潛心經史爲人排解不煩

房縣志

卷九

文學

二

言立辯子孫相繼讀書有出仕者

雷英賢貢生工文藝善教誨設教一生八十餘歲終

戢有紳南鄉貢生聰穎嗜讀書作俱佳性孝友母年八十
餘歲寢褥溺污雖寒夜必與妻劉氏至寢躬親易之母

九十餘終葬後餘貲商議嫂姪以三弟貧悉給之閉戶
教讀數十年不預外事年七十六終子希岱入武庠

張泗浴貢生學業深邃善誘生徒教讀於二郎廟者數十
年

張鴻紳貢生學問粹深品行端方設教南山多年一方感

化文教日興

袁士驤貢生品學兼優書外無事不苟取與家貧極若不
知者教書一生年八十餘無疾而終

許汝屏貢生學問淵博心性純謹授徒房竹兩邑多士競
從家貧敦孝友兄弟五人析居後父母養葬一身任之
年七十三終

劉永祿貢生穎悟過人才藝邁衆弱冠食餼試輒冠軍隸
業鹿門書院道憲王方山器重之謂有翰苑之才而憾
其不學道光壬午入北闈已擬中式因疾作未入三場

房縣志

卷九

人物學文

三

試官惜之

周大年貢生人品出衆教讀半生嘗奉邑令劉諭勸捐貲
創建校士館重脩書院任勞任怨在所不辭子潤貢生
孫應棠廩生

項聯奎貢生廉謹力學屢薦未售孝事孀母教讀一生年
九十一終

黃道遵貢生立品端方學問純正事繼母孝待人以謙每
食必先祀祖嘗刻印孝經行世教徒極嚴成名者不敢
干預外事一鄉凜然稱師範焉

廩生宋開甲貢生汪魁儒門人甲遊幕陝西嘗寄貲題□
爲師壽魁儒答詩云聞得春來又抱疴情深容易惹愁
多以君瀟洒還如此似我痴騃可若何客子星霜詩裏
債故鄉花月夢中魔鴉堂況是棲鸞地靜掃塵氛養大
和

廩生胡慎脩詩才敏捷赴省試有遊黃鶴樓詩信步登臨
擁月樓三湘七澤望中收蛇駝鐵佛輕搖尾龜戴金沙
猛出頭鸚鵡喚回千載夢胭脂點破一腔愁是誰能解
梅花曲攜手提壺頂上遊

房縣志

卷九

人物

文學

四

生員何簡文性醅篤嗜學以家居多暄乃鑿田爲池中構
一楹讀書其間另造小艇傳餐適午日家人餉以角黍
並蔗糖一盂文以角黍濡墨食之人咸笑其痴久之學
業精通文藝優長縣官學博交重之舉爲定山書院院
長

廩生席之鑑勤敏嗜學髫年入庠試輒冠軍甲申李學憲
評其文曰是得力於天崇諸大家者及門林立屢試省
闈未售多士惜之

枝江教諭優廩生張鴻猷品學兼優屢薦未售同治元年
赴優貢試已擇尤考取因額滿被遺 學憲賈嘉其敦
品勵行給予志潔行芳匾額札飭學官遵行註冊

耆壽

陳佑福住縣東百四十里順治年人耕田數畝自奉勤苦積餘貲補葺山路險道以便人行壽至一百零三歲今士人名其地曰老人坪

曾天盛百有一歲子三科年八十餘終世力農業

候選鹽大使庠生劉志孔年九十九四子長監生德馨三監生德蘭四從九德庸長孫增生元和

庠生劉志達年九十六二子德均德秀俱年七十餘三孫庠生元品五孫庠生元佐曾孫庠生宗賢

房縣志

卷九

人物壽

一

王大周一百八歲世篤農業孫文庠澤遠武庠傳佐

監生趙登第年九十三繼妻傅氏年九十五終第居家儉教子嚴長子庠生國相年七十一時小事未稟命猶罰跪責之相年八十四終

五品軍功李成志嘉慶時從總督倭什布額侯德侯征勦教匪積有戰功因忤當事未補缺以馬兵終年九十五南鄉莊宗延性忠厚年九十三終

冀德合樸厚溫年九十二終子三監生兆豐拔貢定豐附貢成豐孫曾相繼選拔見選舉

南鄉孔傳先渾厚公正年九十終

生員劉志松年八十八長子監生德芳三子德官年八十
七終

貢生袁士驤八十五歲安貧守分教讀五十餘年妻雷氏
年八十七二子長庠生潛脩七十五歲娶許氏年八十
次庠生潛福年八十娶龍氏年八十七

從九劉志學年八十九子知縣德紳次武庠德脩三增生
德波四監生德綸

增生劉志義年八十六子庠生德超孫元愷元三俱庠生

房縣志

卷九

人物壽

二

李國甯剛直好義七子八孫四十餘口和樂且耽孫潤輝
增輝俱入庠年八十二終

任之廣年八十餘終子貢生臺極教讀數十年八十二歲
終次孫貢生成璠

郭登藻妻劉氏夫婦俱八十餘歲長子庠生世鐸次武生
世泰三貢生寅平

劉志朝年八十終孫庠生元掄元仕

鄧明德現年九十家教極嚴子國文國華孫鄧琳林選俱
入庠

貢生邱方泰年八十六終

貢生雷英賢年八十四終

貢生項聯奎年九十一終

廩生胡慎脩年八十二終

廩貢朱發蓉年八十三終子廩生訓導映暹

例貢袁 紀年八十四終

增生高羣英年八十八終

儒士胡夢凰訓蒙一生年九十一終

生員程勉中年九十七終

房縣志

卷九

人物壽

三

耆老孫 貴年八十九歲

武生任藹極年八十終

監生李楚揚年八十二終

監生陳世常年八十四終

生員袁太和年八十終

生員袁全福年八十子時泰孫發興曾孫志高元孫學道

五代同堂

王錫齡年八十一

袁崇先年八十三終

鄧有德年八十八終子庠生雲閣

戢有科年八十終孫四長監生宗珩次武生宗璉四武生
宗琳

吳繼功年百有一歲終

劉德馥年九十一終長子武生元培年七十一次子元蓋
年八十終

劉元魁勤儉謹慎年八十五終子監生宗佑孫從九向傳
生員周啟宇束身自愛義方教讀二子正榮慕蓮俱入庠
年八十五終

房縣志

卷九

人物男壽

四

生員楊學純年八十四終餘詳孝行

增生趙國文年八十終子監生鴻紳孫附貢運芳次孫庠
生聯芳

劉元吉積學未售年八十一終一子廩生宗正

李國森年八十二終

彭自福年八十六終

彭宗儒年八十二終

孫玉書年八十三終孫庠生維才

張玉成年八十四終

王德時年九十七終

鄒俊龍年九十終

傅有紀年八十六終

計士睿年八十二終

武生計士義年八十二終

武生計士儒年八十終

任之煥年八十七終

任萬春年八十四終

李同春年八十五終

房縣志

卷九

人物男壽

五

任成芳年八十一終

何溥年八十六終

南街李自立現年八十四歲

貢生李星壽現年八十四歲

楊繼正現年八十五歲

趙脩理現年八十二子貢生岫如

毛楚耀現年八十三歲

丁超羣現年八十歲

何光發現年九十歲

丁書友現年八十二歲

武生王迎道現年八十二歲

任開勣現年八十四歲

生員任開桃現年八十一歲

秦學經現年九十三歲

袁崇舉現年八十八歲

劉夢登現年八十三歲

林美身現年八十八歲

許汝琰現年八十二歲

房縣志

卷九

人物壽

六

劉汝筆現年八十三歲

劉江筆現年八十二歲

劉濬筆現年八十歲

毛公位現年八十四歲

車世連現年八十六歲

許自立現年九十子庠生宗傳

陳壁現年八十六孫庠生懷章

耆老汪自新現年八十五子三長純仁孫六長若鴻曾孫

五長有庚元孫一思孔五世同堂

明朝女壽

劉唐氏生員劉維翰妻翰故氏撫孤子又撫孤孫喜做功
德事年九十終

張趙氏張通妻年九十四終餘詳節畧

國朝女壽

車李氏車蘭妻年八十終餘詳節畧

劉段氏貢生劉子剛繼妻年九十四終前妻六子長庠生
志達年八十三次鹽大使志孔年八十一三志聰四志
敏五庠生志文俱年七十餘六庠生志松年六十八葬

房縣志

卷九

人物女壽

一

祭之日一堂白髮鄉黨竒之

劉楊氏劉子明妻五代同堂年九十九終事詳節畧

車許氏廩生車之法妻年八十九終以下五名
詳節畧

張毛氏張鎮妻年九十六終

劉郝氏劉志善妻年八十二終

宋任氏宋大美妻年九十三終

劉張氏劉志脩妻年八十一終

朱劉氏朱名缺妻五代同堂子生員之文孫生員發蓀曾

孫映昇元孫錫疇奉文旌獎

楊陳氏貢生楊世相妻子早亡撫孫學古入庠年九十二終

范戢氏范慎思妻年八十八終以下七名俱詳節畧

馮李氏馮詢妻年八十六終

孫雷氏孫尙舉妻年九十四終

趙席氏趙聞善妻年八十終

計陶氏計瑞珍之母年八十三終

劉郭氏劉志禮妻年八十一終

歐陽邢氏歐陽榮輝妻年八十六終

房縣志

卷九 人物女壽

二

張邱氏張某妻年八十八終詳貞女

郭趙氏郭天爵妻年百餘終詳孝行

張劉氏張玉階妻生員德華母也年八十六終

張周氏張極韶妻年八十六終詳節孝

朱戢氏廩貢朱發蓉妻年八十五終子通城訓導映暉

余蘇氏余自義妻年八十二終以下九名詳節烈

趙王氏趙登岸妻年八十五終

黃林氏黃琰妻年八十五終

蔡王氏蔡志超妻年八十四終

劉張氏劉德舉妻年八十三終

許趙氏許校儒妻年八十四終

郭戢氏郭世珩妻年八十八終

張鄧氏張以正妻年八十二終

蘇賀氏削髮爲尼年八十八終

戢李氏戢瑚妻嘉慶時舉家遇害氏年七十七以知醫
得免九十七終

戢鄧氏戢時翀妻貢生中道母也年九十二終學政贈以
北堂凝秀孫廩生希鵬

房縣志

卷九

人物女壽

三

郭李氏郭希仁妻仁赤貧氏于歸後剪髮自誓助夫成業
年九十二終

傅車氏年九十七終子三長榜魁年八十六次楚魁年八
十二曾孫廩生發築庠生發科發芹

吳黃氏吳必聰之母年九十七終

劉宋氏武生劉金妻年八十五終

郭楊氏武生郭世泰妻子二長武生立功次武生立德氏
年八十二終

許李氏許立儒妻年八十二終長子庠生廷勛

薛陳氏薛朝璜妻化峪河人子五元春元雙俱國學孫鳳
鳴國學啟棟庠生曾孫明耀軍功元孫逢吉五代同堂
年九十二終

楊劉氏武生楊學錦妻年八十三終

咎張氏生員咎榮華妻年八十三終

曾彭氏曾學仁妻年九十三終

鄒曾氏鄒俊龍妻年八十八終

林咎氏林美身妻年八十四終

李齊氏李永倫妻倫故氏年二十六子二元儒元浩孫三

房縣志

卷九

人物女壽

四

長例貢春甲次廩生春宣三童生春榮氏年八十五終

吳馮氏吳天德妻生六子德歿氏年八十現年一百零五

歲尙健

鄧郭氏鄧朝禮妻現年九十六如常次子庠生鴻儒

廖龍氏南鄉人現年九十四尙健

祝曾氏南鄉人現年九十康健如常

東鄉岳玉樓妻現年一百零八歲尙健其媳現年九十二

歲亦健

王秦氏現年九十八歲亦健

薛金氏薛鵬程妻現年九十七歲常健

劉宋氏增生劉德波妻現年八十七歲事詳節畧

郭胡氏生員郭世鐸妻鐸故氏年二十六撫子立身立脩

成立脩入庠氏現年八十二歲

袁許氏袁全悟妻現年九十子六次監生世熙三庠生世

清孫庠生脩章

袁趙氏袁全寅妻現年八十五歲

劉毛氏劉元型妻現年八十三歲

劉張氏劉元錦妻現年八十四歲

房縣志

卷九

人物女壽

五

李孫氏李同興妻現年八十九歲

曹王氏曹國鑑妻夫故氏年二十九撫遺孤家渥成立現

年八十九歲

劉鄧氏劉湧筆妻以子武舉元瀚例封宜人現年八十三

歲

王毛氏武生王朝清妻現年九十歲尙健

劉楊氏監生劉德綸妻生員楊善元女子武生元鼎次從

九元植現年八十歲

劉李氏武生劉元泰妻現年八十三歲

劉袁氏生員劉元美妻現年八十一歲

朱楊氏生員朱發蓀妻武舉楊奠元女生子四次庠生映

暉氏現年八十一歲

晏張氏晏有祥妻現年八十九歲子興文妻散氏于歸年

餘文故散年十九遺腹子永清撫成立娶彭氏永清年

三十故散現年六十有六彭現年四十八一門三代老

姑孀婦鄉黨憐之

高潘氏高必明妻生子五長磁州州判拔貢步雲次拔貢

登雲三恩貢凌雲四拔貢書雲五從九卿雲氏年九十

房縣志

卷九

人物女壽

六

七歲終